



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Scipio Claromontius De Ratione Status**

**Chiaramonti, Scipione**

**[S.I.], 1679**

Serenissimo Principi Ac Domino Christiano Lvdovico, Duci Meklenburgico,

...

**urn:nbn:de:hbz:466:1-10064**

SERENISSIMO PRINCIPI  
AC  
DOMINO  
**CHRISTIANO**  
**LUDOVICO,**  
**DUCI MEKLENBURGICO,**

Principi Vandalorum, Suerinensium &  
Razeburgi, Stargardia, & Rostochiensium  
Domino, S Ord. Christianissimi Regis  
Equiti &c. &c.

*Domino meo Clementissimo.*



Quod Celsissimo Tuo No-  
mini librum hunc politicum a me  
latinitate donatum inscriperim, MAGNA-  
NIME PRINCEPS, duæ me impulerunt præ  
X 2 aliis

alijs causæ, quarum altera est, quod regiam  
hanc scientiam & ipse calleas planissimè, &  
haud vulgariter ea capiaris; altera quod nihil  
majus mihi sit, quibus tot in me meosq; o-  
stensis singularis CLEMENTIAE documentis  
condigne respondere possim. Multum est  
apud peritos & rerum intelligentes loqui,  
ut constans est omnium prudentum senten-  
tia: enim vero illi & facilius capiunt, quæ  
bene cogitata dicuntur, & vim dictorum  
sentiunt rectius, & quod potissimum est,  
sincerius judicium reddere possunt. Jacet  
indigno ut margarita quondam loco, cum  
escam quærens pullus gallinaceus eam in-  
viebat, quando liber doctus ab imperito-  
rum tangitur manibus, nec ad splendorem  
suum redit unquam, nisi quis doctrinæ quā  
continet cupid⁹ oculis eam suis subjecerit. De  
Sarmatis fama est, cum Batavi Mercatores  
argenteos hummos pro mercibus obtulis-  
sent, dentibus illos momordisse, & pretio i-

gnorato

X

gnorato, quod inutiles & molestos sibi futuros credidissent, noluisse accipere, sed reddidisse offerentibus. Quod si pretii illius scientibus & cupidis fuissent traditi, & avidissimè recepti, non utiq; tam vili habiti fuissent. Par ratio est librorum eruditorū, in quorum numero hic, qui SERENITATI TUA offertur merito est collocandus, qui si alii quam Tibi DOMINE CLEMENTISSIME offerretur, forte eandem cum nummis illis argenteis subiret fortunam. Fuit Italicum scriptum honori & memoriæ CHRISTIANÆ natæ ex antiqua stirpe Regia Ducum Lotharingiæ, viduæ Magni Ferdinandi Magni Ducis Hetruriæ, dicatum: offertur versio latina Magnanimo Princi CHRISTIANO nato ex antiquissima familia Meklenburgica, quæ Reges dedit & Regibus nupsit, ejusque fidus præsens lucet inter reliquos principes

*- - - Velut inter ignes  
Luna minores.*

Si peritiam Tuam hujus scientiæ collaudare vellem, ut autor CHRISTIANÆ fecit pluribus, nimio obsequio me abripi videri possem: si librum hunc acceptum habebis, patierisq; in Tuo delitescere sinu, satis argumenti erit, & scire Te scientiam hanc, & imagines rerum, per quas vivas Tu dudum pleno gradu ivisti, nihilominus Te delectare. Accipe itaque MAGNANIME PRINCEPS librum hunc a meis manibus, ut devotæ mentis pignus, & tot beneficiorum acceptorum memoris signum, illumque eo intuere vultu, quem Phidas ait Jovem habuisse, cum eum vidit serenum. Hanc si ego impetravero gratiam, post tot Voluntatis Tux in me Clementissimæ documenta, lætabor admodum, daboque operam strenuè, ut gratia IANTI PRINCIPIS dignum me fuisse res ipsa loquatur. Vota quæ pro Te, MAGNANIME PRINCEPS, suscipimus quotidie, scilicet ut summum Nume-

men,

men vitam longam, valetudinem incon-  
cussam, regimen quietum & aeternam feli-  
citatem Tibi largiri velit, DEUS confirma-  
bit, cuius gratia stamus omnes, & omnes no-  
stræ res & facultates.

Serenissimæ Tuæ Cel-  
itudini

*ad omnia obsequia*

Hamburgi, die  
Christiani Anni  
M.DCLXXIX.

JOANNES GARMERS.

11. 12. 13. 14. 15. 16. 17. 18.

19. 20. 21. 22. 23. 24. 25. 26.

27. 28. 29. 30. 31. 32. 33. 34.